

Jásobul acamene émír an

Le lièvre veut connaître l'homme

Texte

Abib SADIO

Illustrations

Abdoulaye Madior SAGNA

GIE CLOA

Thionck-Essyl

Département de Bignona

Région de Ziguinchor

Sénégal

SIL

BP 2075

10200 Dakar

Sénégal

Le lièvre veut connaître l'homme

Langue : gusiilaay

Sénégal

Afrique de l'Ouest

Première édition

2016

© GIE CLOA 2016

© SIL 2016

Degoo-dego

Dego-mandinj

Jaa gurokee

Eeh

Jásobul acamene émir waa wommee an.

Funak fucee Jánunkurej futañaat gurehoore búroomiil peepe n'fociihiil. Yanooyan nelako galoloboor min yo eyok mee nogoor dó n'eramba yaayu. Gameeje guroge Jámunduño abajut gabonket. Múwaamool muyogenooyogen.

Jabook narok : « Musigo peepe may, Jájato son Jasaamaay. Eeni ukoñaool gupak abaj guleeh, énunkurej mat efen ewaayen. »



Jakoŋo, Jañaab, Jaciilinkoon, Jálimpaŋ,
Jakumbai bugo peepe ngurok : « Múlaaj ñeer
n'dúniya an. Neeni atooguli m'baragerool, aw
fufunak be émir mara ukaanut wári.

"Sikumaandemaool" siruuruuk máamak. Abajut
gabonket n'Jánunkureŋ futañaat. Gapinoorool
jamuk déhooro. »

Jásobul, mara an mujaahaliool.

Narok : « Waa wommee an ? Injé fok ijow be émir an. Mara erok haani Jañaab aloloboololoboor moola. »

Nasonkeniil : « Taᅇ ñeer an buu narehe ? Béy naam ? »

Ngurogool : « An goohool gúruba son guñen gúruba nabaje. Amimis nárooken. Bare dó m'murehoorool, ájuholaal peepe. »

Jásobul nasonkeniil arok : « Alaal may ay ájuhool mee ? »

Ngurogool : « Let erok ho ájuholaal, sifeeraool simeenje. »

Jásobul nasonkeniil benen : « Báy níjuhe iño'ool ? »


Ngurogool : « N'gabereberef gara bujal nújuhe
uño'ool tímer. Bo nak aregen gamat siyaha.
Neeni ujoonoorool aw be ejam bafooñerool
mbaa bayaanenerool siyaha saasu. »



Jásobul nemma náluhoe nahomenoor. Najar
jíruntaṅool jara mal acago, nátebul jara míihool
acago nawaliṅ an.

Ho be etey atey nayuho najantilenoor, najegoor
ajamut bafoõner, ajamut bayaanener, mban
natey.

Atey atey, ngurehoor n'Jafara, nawoogool :
« Jafara ! Uñoutom baabu wan guroge mee
an ? »



Jafara narogool : « An ! Idúwout búrehoor nu
ho. Mara be enaak bu fureh paw,
nguhomenoorúl bu jamugóli (gulob dó fukam).
Be emugóli máamak. Neeni ubolo sah, ngubolen
min úyihul. Aláalaaj tambi an. »


Natos benen, ngurehoor n'Jañaab.

Nawoogool : « Jañaab ! Jañaabe ! Unaakom
nisonkeni elob ye. Teer númir béy níjuhe iñow
an ? »

« Aw bu waa nu ho ? »

« Haani let bu waaf, émirool déhooro. Baabu
nijamulo goola n'fuciiholaal fáamak. Haani
gupaali siñaab, gúsebioosebi may. Mo kaane
nicamen émirool. Sembe buu nabaje jaram ájuh
buguul ? »


« Uwalo taahu mee aw be eño'ool. Bare jambil
ucigool, ban jambil añoi. »



Jásobul napinoor to apinoor narok :

« Wooto an be ekaan waaf waruuke. Anooan narok úkaanumool ? Aahe gásaleni dé, bare be ejow. Fok iño'ool doronj. »

Jásobul nawalo nan min Jañaab aliigool mee eeno.



Atey atey najantilenoor, najam bayaañener,
nayuho, najanten (aruugul fuko'ool min ejes
béy nayaañenulo).

Namundum añow fujiņa, narok : « Aa taņ an
goot gubaagiir nabaje ? Imíre usiinool nubaak
mee ecil mee naheek gupaalom jánunkureņ
peepe. Ban ho énunkureņ may. »

Nabaañ ájamul set bayaañener benen :
« Héy héy aca ! »

Narok : « Wooto dáaru let an. An ho ayaañeneúl
mee m'búsol. Naak nibos bu bo. »

Jásobul nabos jaram átiij nakoop n'futik min
añeeroor jak jaram año'ool, natek fuko'ool lág-
lág narok : « Maregen an kindij umue. Goohool
gúruba naŋ min gulobulaam mee baaba
n'futaŋaat.

Aŋar egol abaŋ nubandool, naŋar guñenool
aliten dó. Taŋ mee narehoore ? Namara waaf
uregool. Nájuh waaf waawu búroom wo peepe.
Aw uñow Jañaab, n'Jajató, son Jasaamaay, gan
úmír mee urok gubabaj sembe guyok, bare
ájuhiil. Be emugiiil yiili. Bare Atúuha ájiioojii
dé ! »

Nañow jiyenool may nerok eyaha ecee.

Narok : « Bare may uju nan jibil mee élinj, be emeeñ 'sikumandema' nañ an. Aw uñow, neeni eyaha épur noon yo, nujam njiroge yo mee háw háw njitey jiniñ yo fácul. Jísebiut usiin waawu. Hée Jásobul ujow jambil gugonci. »



Jambil íyaut inogen n'epangen.